



KENYATAAN MEDIA

**YB TENGKU DATO' SRI ZAFRUL TENGKU ABDUL AZIZ
MENTERI KEWANGAN**

LAPORAN LAKSANA KE-32

PELAKSANAAN

**PAKEJ RANGSANGAN EKONOMI PRIHATIN RAKYAT (PRIHATIN),
PELAN JANA SEMULA EKONOMI NEGARA (PENJANA) &
PAKEJ RANGSANGAN EKONOMI KITA PRIHATIN (KITA PRIHATIN)**

9 Disember 2020



PENGENALAN

1. Diharapkan agar semua Rakyat Malaysia dalam keadaan yang sihat. Seperti yang umum ketahui, mulai 7 Disember, rentas negeri dan daerah dibenarkan di seluruh negara kecuali kawasan PKP Diperketatkan (PKPD). Pada masa yang sama, PKP Bersyarat (PKPB) telah ditamatkan di beberapa negeri.
2. Keputusan ini telah dibuat setelah mempertimbangkan faktor kesihatan rakyat dan bagi mengimbangi keperluan agar aktiviti ekonomi dirancarkan. Namun kita semua diingatkan agar terus mematuhi SOP. Walaupun saban hari terdapat beberapa berita yang baik mengenai vaksin, usaha membendung penularan wabak COVID-19 melalui langkah-langkah pencegahan perlulah berterusan dan kekal sebagai keutamaan pada masa ini.
3. **Laporan LAKSANA Ke-32** ini akan didahului dengan status pelaksanaan PENJANA dan KITA PRIHATIN, diikuti dengan ulasan isu semasa. Manakala status pelaksanaan inisiatif PRIHATIN pula boleh didapati di Lampiran 1.

PENJANA (Pelan Jana Semula Ekonomi Negara)

4. Di bawah PENJANA, inisiatif telah dikategorikan kepada tiga matlamat iaitu:

- a. Memperkasakan Rakyat;
- b. Melonjakkan Perniagaan; dan
- c. Merangsang Ekonomi.

PENJANA MATLAMAT 1: MEMPERKASAKAN RAKYAT

5. **Pertama, Program Subsidi Upah (PSU) (fasa pertama).** Sehingga 30 September 2020 (iaitu tarikh penutupan PSU 1.0), terdapat lebih 322 ribu majikan dan 2.64 juta pekerja yang menerima PSU di bawah PRIHATIN dan PENJANA. **Sehingga 27 November 2020, subsidi upah yang dibayar adalah sebanyak RM12.52 bilion** (peningkatan daripada RM12.49 bilion minggu lalu).

PSU 1.0

Tarikh Laporan	Jumlah Diluluskan* (RM bilion)	Jumlah Pekerja* (juta)	Jumlah Majikan*
27 November	12.524	2.640	322,177
30 Oktober	12.255	2.639	322,175
25 September	11.930	2.633	321,633
28 Ogos	10.383	2.620	320,440
31 Julai	8.995	2.582	318,258
26 Jun	7.074	2.455	307,518
29 Mei	4.018	2.197	286,338
24 April	1.606	1.452	207,237

*Jumlah kumulatif

6. **Kedua, Program Insentif Pengambilan Pekerja dan Bantuan Latihan.** Secara keseluruhannya, sehingga 27 November, seramai **90,930 pekerja** (peningkatan daripada 84,922 minggu lalu) telah berjaya mendapat pekerjaan melalui program ini. Jumlah ini merangkumi **72,505 orang di bawah umur 40 tahun, 11,370 individu berusia di antara 40 hingga 60 tahun, serta 5,808 perantis dan 1,247 orang kelainan upaya (OKU)**. Antara industri dan sektor utama yang mengambil pekerja termasuk pembuatan, perdagangan borong dan runcit, serta perkhidmatan lain. Senarai penuh dilampirkan.

Tarikh Setakat	Kategori Rakyat yang Mendapat Perkerjaan				Jumlah*
	< 40 tahun	40 – 60 tahun	Perantis	OKU	
27 November	72,505	11,370	5,808	1,247	90,930
30 Oktober	56,315	8,743	4,724	331	70,113
25 September	34,476	5,456	3,782	284	43,998
28 Ogos	18,354	3,266	2,818	178	24,616
21 Ogos	15,113	2,856	2,385	220	20,574

*Jumlah Kumulatif

Senarai 5 industri/ sektor pengambil pekerja tertinggi mengikut kategori

Bil.	< 40 tahun	40 – 60 tahun	Perantis	OKU	Keseluruhan
1	Pembuatan	Perkhidmatan Lain	Perkhidmatan Lain	Perdagangan Borong dan Runcit; Pembaikan Kenderaan Bermotor dan Motosikal	Pembuatan
2	Perkhidmatan Lain	Pembuatan	Pembuatan	Perkhidmatan Lain	Perkhidmatan Lain
3	Perdagangan Borong dan Runcit; Pembaikan Kenderaan Bermotor dan Motosikal	Perdagangan Borong dan Runcit; Pembaikan Kenderaan Bermotor dan Motosikal	Perdagangan Borong dan Runcit; Pembaikan Kenderaan Bermotor dan Motosikal	Pembuatan	Perdagangan Borong dan Runcit; Pembaikan Kenderaan Bermotor dan Motosikal
4	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan
5	Pendidikan	Pembinaan	Maklumat dan Komunikasi	Pendidikan	Pembinaan

7. **Ketiga, Program Kemahiran dan Peningkatan Kemahiran.** Sehingga 27 November, seramai **126,367 individu telah diluluskan** (peningkatan daripada 124,526 minggu lalu) untuk mengambil bahagian dalam program-program yang disediakan. Senarai kursus-kursus yang mendapat permintaan boleh dirujuk dalam talian. Berdasarkan data yang diperolehi, antara kursus-kursus yang mendapat permintaan termasuk:

Bil.	Kementerian/Agensi	Program / Skim / Inisiatif
1.	Pembangunan Sumber Manusia Berhad (PSMB)	<i>SME Development</i>
		<i>Industrial Revolution 4.0 (IREV4.0)</i>
		<i>Place & Train</i>
		<i>Gerak Insan Gemilang (GIG)</i>
		<i>B40 Development</i>
2.	Kementerian Pembangunan, Usahawan dan Koperasi (MEDAC)	<i>INSKEN Business Training</i>
		<i>Program Micro Connector</i>
3.	Majlis Amanah Rakyat (MARA)	<i>Modul Khas Penjagaan Kesihatan dan Keselamatan Kebiasaan Baharu</i>
		<i>Building Internal Entrepreneur Capabilities by Engaging E-Commerce Bespoke Program (e-entrepreneur) -Training e-Commerce Platform</i>
		<i>Building Capabilities and Providing Jobs Through Competencies / Short Courses Program</i>
		<i>Building Capabilities and Providing Jobs Through Industry Boot Camp</i>
		<i>Building Internal Entrepreneur Capabilities by Engaging e-Commerce Bespoke Program (e-entrepreneur) -Bespoke</i>
4.	East Coast Economic Region Development Council	<i>ETEP Enhanced Train& Place (PENJANA)</i>
5.	Northern Corridor Implementation Authority	<i>JomNiaga@NCER</i>
		<i>JomKerja@NCER</i>
6.	Kementerian Pelancongan, Seni dan Budaya Malaysia (MOTAC)	<i>Pembangunan Kemahiran Komuniti</i>
7.	Kementerian Pengajian Tinggi (KPT)	<i>Program Gig Economy</i>
		<i>Program Keusahawanan</i>

PENJANA MATLAMAT 2: MELONJAKKAN PERNIAGAAN

8. **Pertama, Pembiayaan PKS PENJANA bagi terus membantu Perusahaan Kecil Sederhana (PKS).** Kerajaan telah memperuntukkan dana berjumlah RM2 bilion dan memberi keutamaan kepada PKS yang belum pernah mendapat pinjaman daripada bank sebelum ini. Sehingga 27 November, sebanyak **5,301 permohonan** (peningkatan daripada 5,104 minggu lalu) **telah diluluskan dengan nilai pinjaman sebanyak RM1.085 bilion** (peningkatan daripada RM1.056 bilion).

Tarikh Setakat	Permohonan Diluluskan*	Jumlah Nilai Pinjaman* (RM juta)
27 November	5,301	1,085.7
20 November	5,104	1,056.8
13 November	4,937	1,033.6
6 November	4,727	996.9
30 Oktober	4,488	965.5
25 September	3,351	795.3
28 Ogos	1,615	426.2
21 Ogos	1,172	329.5

**Jumlah Kumulatif*

9. **Kedua, Pembiayaan Sektor Pelancongan PENJANA** dengan jumlah peruntukan sebanyak **RM1 bilion**. Inisiatif ini bertujuan untuk menyokong PKS dan mikro tempatan dalam sektor pelancongan yang terkesan dengan COVID-19. Setakat 27 November, terdapat **506 PKS** (peningkatan daripada 492 minggu lalu) yang **telah memohon permohonan**, dan daripada jumlah ini sebanyak **229 permohonan** (peningkatan daripada 217 minggu lalu) **telah diluluskan** dengan jumlah pembiayaan sebanyak **RM46.2 juta** (peningkatan daripada RM43.7 minggu lalu). Dengan pembukaan semula rentas negeri, kemudahan ini dijangka dapat membantu PKS yang memerlukan suntikan dana dalam masa terdekat.
10. **Ketiga, Skim Pemulihan Perniagaan TEKUN atau TEKUN Business Recovery Scheme (TBRS)** khas untuk PKS Mikro. Sehingga 27 November, sebanyak **RM94.8 juta** (peningkatan daripada RM90.6 juta) telah disalurkan di bawah TBRS dan memanfaatkan **14,267 PKS Mikro** (peningkatan daripada 13,675 minggu lalu).

Tarikh Setakat	PKS Mikro*	Jumlah Disalurkan* (RM juta)
27 November	14,267	94.8
20 November	13,675	90.6
13 November	13,042	86.7
6 November	12,403	82.6
30 Oktober	11,972	79.7
25 September	11,383	75.5
28 Ogos	6,908	47.7
31 Julai	909	6.8

*Jumlah Kumulatif

11. Keempat adalah Pembiayaan Mikro Kredit PENJANA di bawah Bank Simpanan Nasional (BSN). Sehingga 27 November, sebanyak **RM227.5 juta** (peningkatan daripada RM211.3 juta minggu lalu) telah disalurkan bagi memanfaatkan **6,492 PKS Mikro** (peningkatan daripada 5,986 minggu lalu) merangkumi bidang peruncitan dan perkhidmatan.

Tarikh Setakat	PKS Mikro*	Jumlah Disalurkan* (RM juta)
27 November	6,492	227.5
20 November	5,986	211.3
13 November	5,570	197.7
6 November	5,181	184.6
30 Oktober	4,674	167.4
25 September	2,007	73.7
28 Ogos	399	15.2

*Jumlah Kumulatif

PENJANA MATLAMAT 3: MERANGSANG EKONOMI

12. Pertama, sokongan bagi Industri Pertanian dan Makanan. Inisiatif ini diperkenalkan bagi merangsang pertumbuhan ekonomi dalam sektor pertanian dan makanan melalui **suntikan pembiayaan di samping menyediakan modal pusingan untuk petani, peladang dan nelayan**. Daripada jumlah **peruntukan sebanyak RM400 juta, RM350 juta** merupakan peruntukan di bawah **Skim Pembiayaan Mikrokredit Agrobank**. Sehingga 27 November 2020, sebanyak **RM53 juta** (peningkatan daripada RM49 juta minggu lalu) telah disalurkan di bawah skim ini bagi memanfaatkan **5,534 PKS Mikro pertanian** (peningkatan daripada 5,243 minggu lalu).

13. **Kedua, pengecualian cukai perkhidmatan bagi hotel** untuk menyokong sektor pelancongan. Sebagai langkah Kerajaan dalam memastikan sektor pelancongan dan perhotelan dapat bertahan dan kembali pulih seperti sediakala, Kerajaan telah bersetuju memberikan lanjutan pengecualian cukai perkhidmatan ke atas perkhidmatan penginapan yang dikendalikan oleh pengendali premis penginapan mulai **1 September 2020 hingga 30 Jun 2021**. Setakat 27 November 2020, nilai pengecualian cukai yang telah dimanfaatkan oleh pengendali premis penginapan telah mencecah **nilai RM836.6 juta** (peningkatan daripada RM727.4 juta minggu lalu). Antara inisiatif lain bagi menyokong sektor pelancongan merangkumi pelepasan cukai pendapatan individu sehingga RM1,000 ke atas perbelanjaan melancong serta pengecualian cukai pelancongan sepenuhnya. Kedua-dua inisiatif telah bermula dan akan tamat pada 30 Jun 2021.
14. **Ketiga, pengecualian 100% duti eksport kepada sektor komoditi.** Bagi merangsang pertumbuhan sektor komoditi dan nilai eksport negara, Kerajaan turut memperkenalkan pengecualian duti eksport sehingga 100% ke atas industri berasaskan minyak sawit. Antara manfaat daripada langkah cukai ini secara langsung akan dapat membantu memudahkan para pekebun kecil untuk menjual hasil keluaran mereka kepada kilang-kilang. Setakat 27 November, nilai pengecualian duti eksport yang berjaya dimanfaatkan oleh industri negara ialah sebanyak RM325.2 juta.

PAKEJ RANGSANGAN EKONOMI KITA PRIHATIN

15. Seterusnya sedikit perkongsian ringkas mengenai pakej KITA PRIHATIN.
16. **Pertama, Bantuan Prihatin Nasional 2.0 (BPN 2.0)**, di mana proses penunaian di BSN sedang berjalan sejak 26 Oktober. Proses semak silang permohonan baru dan rayuan juga sedang dijalankan dan yang pembayaran bagi mereka yang lulus akan dibuat dalam bulan Januari 2021.
17. **Kedua, bagi Geran Khas PRIHATIN (GKP) 2.0** pula, tempoh rayuan GKP 2.0 dibuka mulai minggu ini iaitu daripada 7 hingga 21 Disember 2020. Rayuan boleh dibuat secara dalam talian di <https://gkp.hasil.gov.my>.

18. Ketiga, bagi **PSU 2.0 di bawah pakej KITA PRIHATIN** yang bermula 1 Oktober. Setakat 27 November 2020, sebanyak **RM239.73 juta** (peningkatan daripada RM164.26 juta minggu lalu) telah dibelanjakan bagi membantu sebanyak 39,203 majikan (peningkatan daripada 34,479 minggu lalu) untuk terus beroperasi dan mengekalkan seramai 307,420 pekerja (peningkatan daripada 273,767 minggu lalu). Diingatkan bahawa permohonan baru bagi PSU 2.0 masih dibuka kepada majikan sehingga 31 Disember 2020.

PSU 2.0

Tarikh Laporan	Jumlah Disalurkan* (RM juta)	Jumlah Pekerja* (juta)	Jumlah Majikan*
27 November	239.73	307,420	39,203
20 November	164.26	273,767	34,479

*Jumlah Kumulatif

ULASAN ISU SEMASA – PEMERKASAAN PKS dan PKS Mikro

19. Pada minggu lepas, saya telah berpeluang berjumpa dan melihat sendiri bagaimana Rakyat kita telah meneroka bidang keusahawanan, lantaran cabaran yang dialami di dalam bidang kerja utama mereka akibat kesan wabak COVID-19 terhadap ekonomi. Ini termasuklah graduan dan mereka di dalam bidang kejuruteraan, sektor penerbangan, serta perkhidmatan seperti makanan dan minuman (F&B) yang kesemuanya bertukar angin mengikut keadaan semasa.
20. Usaha ceka dalam meneroka bidang baharu, digandingkan dengan penggunaan teknologi termasuk pemasaran dalam talian bagi menjana pendapatan di dalam dunia perniagaan ini harus dipuji. Am mengetahui bahawa PKS dan PKS mikro merupakan tunjang kepada ekonomi negara, dan **Kerajaan sentiasa memberi sokongan berterusan** sejak dari pelaksanaan pakej PRIHATIN sehinggalah perangkaan Belanjawan 2021 baru-baru ini.
21. Sebagai contoh, setakat 27 November, pakej-pakej rangsangan Kerajaan bersifat bantuan langsung, pinjaman atau geran telah memanfaatkan lebih **1.4 juta PKS dan PKS mikro** dengan bantuan berjumlah **lebih RM24 bilion**. Perlu dijelaskan bahawa ada PKS dan PKS mikro yang menerima lebih daripada 1 manfaat atau bantuan Kerajaan bergantung kepada kelayakan. Antara manfaat dan bantuan termasuk:
- Dana Pinjaman Mudah PKS di bawah kendalian BNM berjumlah RM11.13 bilion untuk 23,7000 PKS;

- b. Program Subsidi Upah berjumlah RM9.89 bilion yang membantu hampir 300,000 PKS dan PKS Mikro dan 1.85 juta pekerja (tidak termasuk syarikat pertengahan atau besar),
 - c. Geran Khas Prihatin 1.0 dan 2.0 berjumlah RM2.55 bilion bagi 850,000 PKS mikro setakat ini, dan
 - d. Inisiatif e-dagang PENJANA di bawah MDEC termasuk *Shop Malaysia Online* dan *Micro and SMEs E-Commerce Campaign* yang telah membantu lebih 21,000 usahawan PKS dan PKS mikro menjana jualan lebih RM1.2 bilion daripada suntikan RM140 juta.
22. Jumlah ini belum lagi mengambil kira moratorium, diskaun elektrik, diskaun premis perniagaan, pelepasan atau pengecualian cukai dan sebagainya, yang disediakan bagi menyokong mengurangkan bebanan kos operasi dan membantu menambah aliran tunai PKS dan PKS mikro.
23. Sehingga September tahun ini sahaja, menurut Suruhanjaya Syarikat Malaysia (SSM). sebanyak 85,901 perniagaan baru telah didaftarkan dengan mereka, berbanding 76,443 syarikat bagi keseluruhan tahun 2019. Dalam memastikan PKS tersebut mendapat sokongan dan bagi memudahkan operasi perniagaan serta peluang berkembang, agensi-agensi Kerajaan seperti BNM, TEKUN, BSN, PUNB, SME Bank, EXIM Bank, Agrobank, SME Corp, MDEC dan pelbagai lagi akan terus memberikan kemudahan dari segi pinjaman mudah dan geran-geran, termasuk melalui Belanjawan 2021. Kerajaan berharap kesemua sokongan yang diberikan ini akan membolehkan mereka berdaya saing dalam jangka masa sederhana dan panjang, beserta penerapan teknologi dan sistem operasi yang moden dan sesuai dalam norma baharu ini.

PENUTUP

24. Peringatan juga kepada semua agar tidak lalai dalam mengamalkan SOP dalam menjalani kehidupan seharian dan aktiviti pekerjaan serta perniagaan. Kejayaan kita memulihkan ekonomi negara sebahagiannya bergantung kepada kejayaan negara membendung wabak COVID-19. InsyaAllah, **Teguh Kita, Menang Bersama.**

YB Tengku Dato' Sri Zafrul Tengku Abdul Aziz
Menteri Kewangan
Kementerian Kewangan Malaysia
9 Disember 2020

LAMPIRAN 1 - PENCAPAIAN PAKEJ PRIHATIN

MATLAMAT 1: LINDUNGI RAKYAT		
1.	Skim pengeluaran i-Lestari di bawah Kumpulan Wang Simpanan Pekerja (KWSP)	Sehingga 27 November 2020, jumlah pengeluaran kumulatif adalah sebanyak RM12.80 bilion (peningkatan daripada RM12.73 bilion minggu lalu) dan melibatkan 4.80 juta penerima (peningkatan daripada 4.78 juta minggu lalu). Perancangan persaraan adalah penting dan orang ramai disyorkan untuk menggunakan Khidmat Nasihat Persaraan (Retirement Advisory Service - RAS) yang disediakan oleh pihak KWSP secara percuma untuk tujuan ini. Maklumat mengenai perkhidmatan percuma ini boleh didapati di pautan berikut: https://www.kwsp.gov.my/ms/member/retirement-advisory-service
2.	Elaun Khas Barisan Hadapan (Frontliners Allowance)	a. Sehingga 27 November 2020, sebanyak RM441.78 juta (peningkatan daripada RM366.78 juta minggu lalu) telah disalurkan berdasarkan 1,283,189 tuntutan (peningkatan daripada 1,125,524 minggu lalu) yang terdiri daripada doktor, jururawat dan kakitangan perubatan lain yang terlibat secara langsung dalam pengurusan dan pembendungan wabak COVID-19. b. Elaun khas ini juga dipanjangkan kepada anggota tentera, polis, kastam, imigresen, bomba, anggota Angkatan Pertahanan Awam serta anggota RELA yang terlibat secara langsung dalam melaksanakan Perintah Kawalan Pergerakan (PKP).

MATLAMAT 2: SOKONG PERNIAGAAN																																						
3.	Skim Kredit Mikro TEKUN	Setakat 27 November 2020, pembayaran telah dibuat kepada 26,251 PKS (peningkatan daripada 26,241 penerima minggu lalu) melibatkan jumlah sebanyak RM199.54 juta (peningkatan daripada RM199.46 juta minggu lalu).																																				
4.	Dana Pinjaman Mudah Perusahaan Kecil Sederhana (PKS) (SME Soft Loans Funds) yang dikendalikan oleh Bank Negara Malaysia (BNM)	Setakat 27 November 2020, jumlah permohonan yang telah diluluskan oleh bank-bank tempatan dan disetujui terima oleh PKS adalah RM11.13 bilion (peningkatan daripada RM11.10 bilion minggu lalu) yang akan memberi manfaat kepada 23,711 PKS (peningkatan daripada 23,637 PKS minggu lalu). Jumlah ini termasuk dana <i>Special Relief Facility</i> (SRF), <i>Automation & Digitalisation Facility</i> (ADF), <i>All-Economic Sector Facility</i> (AES) dan <i>Agrofood Facility</i> (AF). <table border="1"> <thead> <tr> <th>Dana Pinjaman Mudah PKS</th><th>Jumlah diluluskan dan disetujui terima* (RM bilion)</th><th>Jumlah PKS*</th></tr> </thead> <tbody> <tr> <td>27 November</td><td>11.13</td><td>23,711</td></tr> <tr> <td>20 November</td><td>11.10</td><td>23,637</td></tr> <tr> <td>13 November</td><td>11.07</td><td>23,586</td></tr> <tr> <td>6 November</td><td>11.02</td><td>23,560</td></tr> <tr> <td>30 Oktober</td><td>10.87</td><td>23,305</td></tr> <tr> <td>25 September</td><td>10.67</td><td>22,984</td></tr> <tr> <td>28 Ogos</td><td>10.3</td><td>22,440</td></tr> <tr> <td>Julai</td><td>9.6</td><td>21,410</td></tr> <tr> <td>Jun</td><td>8.4</td><td>19,539</td></tr> <tr> <td>Mei</td><td>6.9</td><td>16,833</td></tr> <tr> <td>April</td><td>1.5</td><td>3,636</td></tr> </tbody> </table> <i>*Jumlah Kumulatif</i> Walaupun dana SRF telah dimanfaatkan sepenuhnya, PKS masih boleh memohon skim pembiayaan yang masih tersedia melalui Tabung BNM seperti ADF, AES dan AF. PKS juga boleh mendapatkan pembiayaan lain melalui platform imSME di pautan https://imsme.com.my/portal/bm/ yang boleh membantu dalam membuat padanan pembiayaan yang diperlukan dengan pelbagai penyedia dana untuk PKS.	Dana Pinjaman Mudah PKS	Jumlah diluluskan dan disetujui terima* (RM bilion)	Jumlah PKS*	27 November	11.13	23,711	20 November	11.10	23,637	13 November	11.07	23,586	6 November	11.02	23,560	30 Oktober	10.87	23,305	25 September	10.67	22,984	28 Ogos	10.3	22,440	Julai	9.6	21,410	Jun	8.4	19,539	Mei	6.9	16,833	April	1.5	3,636
Dana Pinjaman Mudah PKS	Jumlah diluluskan dan disetujui terima* (RM bilion)	Jumlah PKS*																																				
27 November	11.13	23,711																																				
20 November	11.10	23,637																																				
13 November	11.07	23,586																																				
6 November	11.02	23,560																																				
30 Oktober	10.87	23,305																																				
25 September	10.67	22,984																																				
28 Ogos	10.3	22,440																																				
Julai	9.6	21,410																																				
Jun	8.4	19,539																																				
Mei	6.9	16,833																																				
April	1.5	3,636																																				